

四庫全書

子部

# 欽定四庫全書

子部

古今事文類聚後集卷二十二

詳校官中書臣康綸鈞

侍讀臣孫球覆勘

總校官編修臣王燕緒

校對官中書臣趙秉淵

謄錄監生臣胡曉春

欽定四庫全書

古今事文類聚後集卷三十二

宋 祝穆 撰

穀菜部

穀

木稼  
黍並附

羣書要語九穀三農生九穀鄭司農注稷秫黍稻麻大

小豆大小麥周禮六穀凡王之膳食食用六穀鄭司農注稻

黍稷梁麥苽周禮五穀以五味五穀五藥養其病鄭司農

注麻黍稷麥豆

同上

百穀梁者黍稷之總名稻者既種之

總名菽者衆豆之總名三穀各二十種為六十蔬果之

實助穀各二十凡為百穀

楊泉物理論

五穀皆熟為有年

穀

俶載南畝播厥百穀

詩載

亟其乘屋其始播百穀

七月穀

賤傷農

昭帝詔

禾稼禾嘉穀也二月始生八月而熟得時之中故謂之

禾

說文

禾易長畝終善且有

甫

十月納禾稼七月我稼既同

同上

曾孫之稼如茨如梁

甫

大田多稼

大地

之美者善養

禾

賈山論

好是稼穡力民代食稼穡維寶代食維好

桑禾

之秀實者為稼一曰在野曰稼

說文

黍以大暑而種故謂之黍

說文

秬黑黍秠一稊二米

爾雅

赤黍也

詩注

疊赤苗芑白苗

同上

黍稷非馨明德惟馨

陳君華

黍時和歲豐宜黍稷也

小雅

豐年多黍多稌

稻也

亦有高廩

萬億及秬

周頌

黍稷稻粱農夫之慶

甫田

仲夏農乃登麥

月令

詩句罷亞百頃稻西風吹半黃

杜牧

牧之自注

云罷亞稻名

獲稻空雲

水

杜

稻熟天風香

香稻三秋末

杜並

古今事實

神農播穀

炎帝大庭氏下為地皇作耒耜播百穀曰神農

月令疏

后稷播穀

帝曰棄黎民阻饑汝后稷播時百穀

幽風播穀

周公陳后稷先公之由致王業之艱難也亟其乘屋其始播百穀

僖公重穀

魯僖公務農重穀牧于垆野

問錢穀幾何

漢文帝問左丞相周勃曰天下錢穀一歲出入幾何勃謝不知上又問右丞相陳平平曰各有主者陛下問錢穀責治粟內史

大風偃木

以下  
條木

武王既喪管叔及其羣弟流言曰公將不利於孺子天

大雷電以風禾盡偃王啟金縢之書天乃雨反風禾則盡起

異畝同穎

唐叔得禾異畝同穎獻諸天子

樊遲學稼

樊遲請學稼子曰吾不如老農

認稻弗爭

吳鍾離牧客居永興自墾荒田稻熟民有識認牧以稻



予民縣長欲繩以法牧為請得釋民慙懼春稻得米六十斛還牧牧不受民輸置道旁無敢取者 晉郭翻客

居臨川欲自墾荒田先立表題經年無主乃作稻將熟有認之者悉推與之縣令聞而詰之以稻還翻遂不受

### 公田種秫

陶淵明為彭澤令公田悉令種秫稻妻子固請種粳乃使三百五十畝種秫五十畝種粳

### 一莖九穗

光武生濟陽縣舍是歲縣界有嘉禾生一莖九穗因名曰秀

黍離閔周

以下  
係黍

黍離閔宗周也周大夫行役過故宗廟宮室盡為禾黍傷周室之顛覆彷徨不忍去故作是詩也

先黍後桃

孔子侍坐於魯哀公設桃具黍哀公曰請用仲尼先飯黍而後啖桃左右皆掩口失笑公曰黍者非飯之也以

雪桃也仲尼對曰丘知之矣夫黍者五穀之長也祭先王以為上盛果有六而桃為下祭先王不得入於廟丘聞之也君子以賤雪貴不聞以貴雪賤今以五穀之長雪果蓀之下是侵上忽下也

韓子

吹律生黍

見地門

盜割禾黍

魏李士謙望見盜割其禾黍者默而避之家僮執盜者士謙曰窮困所致放之

古今文集

雜著

賀嘉禾表

柳宗元

嘉禾順成靈貺昭格天人合應遐邇同心賀中伏惟皇帝  
陛下睿謀廣運神化旁行植物知仁祥圖應聖靈嶽不  
愆於贊佑燕谷用遂於生成豐稔隨均知朔南之被澤  
休嘉克叶見天地之同和六德懋稱於漢臣異畝恥書  
於周典自中形外均慶同歡

古詩

憫農

李紳文粹

春種一粒粟，秋收萬顆子。  
四海無閒田，農夫猶餓死。  
鋤禾日當午，汗滴禾下土。  
誰知盤中食，粒粒皆辛苦。

田家詞

元結

牛吒吒

音託

田确确，旱塊敲牛蹄趵趵。

音剝

種得官倉珠顆

穀，六十年来兵簇簇。  
月月倉糧車轆轤，一日官軍收海  
服。驅牛駕車食羊肉，歸來收得牛兩角。  
重鑄鉞犁作斤

斲姑舂婦擔輸促促輸官不足歸賣屋農死有兒牛有  
犢不遣官軍糧不足

野老歌

張籍

老翁家貧在山住耕種南山三四畝苗疎稅多不得食  
輸入官倉化為土

歲暮鉏犁倚空室呼兒登山收橡實西江賈客珠百斛  
船中養犬長食肉

律詩

觀稼

楊廷秀

井字行都整花香遠已甜穗肥黃俯首芒動紫掀髯風  
攪平雲陣聲鬆缺月鏹不愁禾把減高廩却愁添

米

粟同

羣書要語烝民乃粒注米食曰粒益稷樂歲粒米狼戾多

取之而不為虐

滕文

粟禾子也嘉穀實也粟之為言續也說文獻粟者操右契

獻米者操量鼓

禮曲

雖有粟吾得而食諸

語十

米粟非不

多也

丑公孫

廩人繼粟

萬章

詩句為問浙東米貴賤老夫乘興欲東遊

杜解

故人供

飯米

杜訓高使君

乞米助饋餉

荆公

白露黃粱熟

杜

新炊間黃

粱

杜

古今事實

為親負米

子路見孔子曰由也事二親之時常食藜藿之食而為

親負米百里之外

詳見父母門



食貴於玉

蘇秦謂楚王曰楚國之食貴於玉薪貴於桂又云食玉

炊桂

詳見謁見門

索長安米

東方朔言臣若無用宜棄捐無索米長安

指與困米

魯肅以振窮士為務甚得邑人歡心周瑜為居巢長將數百人故過候肅并告資糧肅家有困米三千斛乃指

一因與瑜瑜益知其奇也遂相親結定僑札之分

齋米賑給

吳全琮父柔為桂陽守使琮齋米數千斛與吳交易琮皆賑給士大夫空船而還柔奇之

為米折腰

陶淵明為彭澤令郡督郵至縣應束帶見之歎曰我不能為五斗米折腰向鄉里小兒即日解印綬去賦歸去來以遂其志

不受米舟

王脩齡貧乏陶胡奴為烏程令送米一船答曰王脩齡  
饑自就謝仁祖索食不須陶胡奴米

世說

有麥辭米

齊劉懷惠為齊郡守人有餉新米一斛者懷惠出所食  
麥飯示之曰食有餘幸不煩此

鼠雀耗

梁張率為新安太守遣家僮載米三千石還宅及至遂

耗其半率問其故答曰鼠雀耗率笑曰壯哉鼠雀竟不  
研問

寄載多取

梁庾詵嘗乘舟從山舍還載米百五十石有人寄載三  
十石至宅寄載者曰君三十石我百五十石詵默然不  
辨恣其取足

千米取侮

梁沈綯少貧于宗黨得米數百斛為宗人所侮覆米而

去及貴不以為憾

乞米帖

顏魯公乞米於李大夫帖云拙於生事舉家食粥而已  
數月今又罄乏實用憂煎

盜米易酒

陽城嘗絕糧遣奴求米奴以米易酒醉卧于路城與弟  
迎之奴未醒乃負以歸及覺痛咎謝城曰寒而飲何害  
焉

發粟賑貧

以下  
條粟

武王發鉅橋之粟以賑貧弱萌隸

史記

不食周粟

伯夷叔齊聞西伯善養老往歸焉值武王東伐紂叩馬  
諫左右欲兵之太公曰此義人也扶而去之武王平殷  
亂天下宗周伯夷叔齊恥之不食周粟而餓死

為母請粟

子華使於齊冉子為其母請粟子曰與之釜請益曰與

之庚子曰赤之適齊也乘肥馬衣輕裘吾聞之也君子  
周急不繼富

得粟與鄰

原思為之宰與之粟九百辭子曰毋以與爾鄰里鄉黨  
乎

小收大貸

田廩子乞為齊大夫收賦稅於民以小斗受之其粟予  
民以大斗出陰德於民由此得齊衆心田乞卒子常立

復脩釐子之政以大斗出貸以小斗收齊人歌之曰嫗  
乎采芑歸乎田成子

因饑乞糴

晉救饑使乞糴於秦秦於是輸粟於晉命之曰汎舟之

役

僖十  
三

閉糴無報

晉饑秦輸之粟秦饑晉閉之糴故秦伐晉晉侯使韓簡  
視師復曰出因其資入因其寵饑食其粟三施而無報



是以来也

移民移粟

梁惠王河内凶則移其民於河東移其粟於河内河東  
凶亦然

餽國人粟

鄭饑而未及麥民病子皮以子展之命餽國人粟戶八  
鍾

貸粟願早

莊周往貸粟於監河侯。監河侯曰：「諾。我將得邑令，貸子三百金。」周忿然曰：「若乃言此，不如早索我枯魚之肆。」

獨害食粟

宣曲任氏為督道倉吏。秦之敗，豪傑皆爭金玉，而任氏獨窖倉粟。楚漢相距，民不得耕種，米石至萬。豪傑金玉

盡歸任氏。

貨殖傳

據敖倉粟

酈食其說高祖曰：「敖倉天下轉輸久矣。急據敖倉之粟，」

入粟拜爵

晁錯說文帝曰方今之務莫若使民務農務農在於貴  
粟貴粟之道在於以粟為賞罰合募天下入粟縣官得  
以拜爵除罪

陳粟相因

武帝太倉之粟陳陳相因充溢露積於外腐敗不可食  
末年悔征伐之事下詔以趙過為搜粟都尉

古今文集

古詩

貸米於如晦

梅堯臣

舉家鳴鵠鴈突食無晨炊大貧丐小貧安能不相嗤幸  
存顏氏帖況有陶公詩乞米與乞食皆是前人為

贈盧仝

韓愈

先生結髮憎俗徒閉門不出動一紀至今鄰僧乞米送  
僕忝縣尹能不恥

冬春行

序見十  
二月

范至能

臘中儲蓄百事利第一先春年計米羣呼步碓滿門庭  
運杵成風雷動地篩勻箕健無栖糠百斛只費三日忙  
齊頭圓潔箭子長隔籬耀白雪生光上倉瓦龕分蓋藏  
不蠹不腐常新香去年薄收飯不足今年頓首炊白玉  
春耕有種夏有糧接到明年秋刈熟隣叟來觀還嘆嗟  
貧人一飽不可賒官租私債紛如麻有米冬春能幾家  
寄題南城吳子直子常上舍兄弟社倉

楊廷秀

有虞有宋雙重華兩聖一心民一家綠針刺水農事起  
重華愁早從此始黃雲登場萬寶秋重華對天失却愁  
二十八年臨玉座大半光陰愁裏過天顏憂喜丞相知  
常平使者陳便宜倡為社倉首建溪旰江吳札承君師  
伯霜仲雪發爾私支奇虐魑手莫施活幾侏子幾凍黎  
詔子又孫孫又子箇是重華聖人意無論十世千百世

律詩

楊德逢送米與法雲二老作此詩

王介甫

盧仝不出憎流俗我卜郊居避俗憎仝有鄰僧來乞米  
我今送米乞隣僧

詩話

白粳

杜子美稻畦詩秋菰成黑米精鑿儲白粳精鑿出左傳  
粳食不鑿儲謂治米使白也

紅鮮

杜詩玉粒足晨炊紅鮮任霞散紅鮮言飯紅潤之色又收稻詩云紅鮮終有日玉粒未吾慳

豆

附麥

羣書要語菽者衆豆之總名

物理論

大豆菽也小豆荅也

豆角謂之英其葉謂之藿

廣雅

藿豆莖也

說文

麥麥小麥也牟大麥也

廣雅

毛氏曰牟麥也

詩箋

麴麥播種

而糲之注麴麥大麥也

孟

孟夏之月麥秋至

月令

農乃登

麥

同上

芄芄其麥

麻麥幪幪

並詩



詩句割盡黃雲稻正青

荆公

細麥落輕花

崆峒小麥熟

且願休王師

並杜

麥黃韻鷓鴣

桑下麥青青

闕

麥稀

粹

麥隴多秀色

遲

麥芒漲天搖綠波

柳

古今事實

煮豆燃萁

見兄弟門

進豆粥

見粥門

撒豆厭勝

見婢妾門

貽來牟

以下係麥

思文后稷克配彼天貽我來牟帝命率育

不獲民麥

宓子賤為單父宰齊攻魯父老請曰麥熟請放民皆使出獲麥宓子不聽曰若使不耕者得獲是使民樂有寇也

家語

麥秀兩歧

漢張堪為漁陽太守勸民農種以致殷富百姓歌曰桑無附枝麥秀兩歧張君為政樂不可支

讀書漂麥

見讀  
書門

馬行犯麥

魏太祖嘗行經麥中令士卒無敗麥犯者死騎士皆下  
馬持麥以相付時太祖馬騰入麥中太祖曰制法而自  
犯之何以化下然孤為軍帥不可殺請自刑因援劍割

髮以置地

曹瞞  
傳

古今文集

古詩

歸田園居

陶潛

種豆南山下草盛豆苗稀  
晨興理荒穢帶月荷鋤歸  
道狹草木長夕露沾我衣  
衣沾不足惜但使願無違

打麥詞

張舜民

打麥打麥彭彭魄魄聲在山南應山北  
五月太陽出東北  
纔離海嶠麥尚青轉到天心麥已熟  
鵲旦催人夜不眠  
竹雞呼雨雲如墨  
大婦腰鎌出小婦具筐逐上壠  
先將青下壠已成束  
田家以苦乃為樂  
敢憚頭枯面焦黑

貴人薦廟已嘗新酒醴雍容會所親  
曲終厭飲勞僮僕  
豈信田家未入唇盡將精好輸公賦  
次把升斗求市人  
麥秋正急又秧禾豐歲自少凶歲多  
田家辛苦可奈何  
將此打麥詞兼作插禾歌

律詩

次秀野刈麥韻

朱元晦

貽牟夙昔但聲歌今見郊園樂事多  
且喜甌婁符善禱  
未須蘆服顰去聲妖娥霞觴政自誇  
真一香鉢何煩問畢

羅我欲賣刀來學稼不知還許受塵麼

小說人有中夢  
毒夢紅紫娘子

悲歌有一丸蘆

龍火吾宮之句

蔬菜

附蘆

羣書要語菜謂之蔬不熟僅

爾雅

亦曰藪

同上

菜則蔥韭蒜

芋青筍紫薑薑薺甘旨蓼姜芬芳藁荷依蔭時藿向陽

綠葵含露白薤負霜

潘岳  
賦

春郊夏筍秋韭冬菁

蘇葢

紫薑拂撒羶腥

並南  
都賦

蘋紫蘊藻之菜可羞於王公

左

我

有旨蓄亦以禦冬

谷風

八月斷壺

七月

其藪伊何維筍及蒲

韓 中秋之月命有司趣民務蓄菜月雖蔬食菜羹瓜祭

語 膾土酥如練魏夫人帖

菰又謂之茭白歲久中心生白臺謂之菰米其臺中有

黑者謂之茭蕒至後結實乃雕胡黑米也本草

薯蕷生於山者名山藥秦楚名玉延孫真人千金方

芋名蹲鴟

詩句摘我園中蔬選畦蔬遶茅屋自足媚盤飧 每愧

無畦菜空令卸馬鞍 自鋤稀菜甲小摘為情親 園

蔬抱金玉

夜雨剪春韭

杜壯

隣舍與園蔬

杜訓高使君

菜本

如白玉

陳去非

玉人憐我長蔬食走送厨珍自不嘗

山谷

安冬菹酸且綠金城土酥淨如練注土酥令之蘆菹也

奉煩僚友送園蔬

並山谷

蘆菹韭曰蘆菹菹曰蘆

通俗文

醯人共五蘆

周禮

朝蘆暮鹽

韓進學解

懲於羹者吹於蘆

楚詞

仲冬菜經霜蕪菁葵等雜菜

乾之竝為鹹菹有得者和者竝作金釵色南人作鹹菹以糯米熬擣為末并研胡麻和釀之石蓮令熟菹既甜



脆汁亦酸美

荆楚歲時記

詩句山畚粟米飯野菜淡黃蘆

傳燈錄

金花屑橙蘆

高念適

子朝夕勤鹽蘆

歐

古今事實

飯疏飲水

孔子曰飯疏食飲水曲肱而枕之樂亦在其中矣

薑不多食

孔子不撤薑食不多食

擇菜

宣尼窮於陳蔡之間顏回擇菜又曰顏回不如葷三月

莊子

拔其園葵

公儀休為魯相食葵而美拔其園葵而棄之不與人爭利

馬逸踐葵

魯漆室女曰昔晉客舍吾家係馬於園馬佚踐吾園葵

使吾終歲不厭葵味

詳見憂國門

### 服黃菁子

陸通字接輿與妻俱隱蜀峨眉諸名山食菌櫨實服黃菁子俗傳以為仙

### 食芋厭蔥

徐無鬼見魏武侯武侯曰先生居山林食芋栗厭蔥韭以賓寡人久已夫

莊子

### 岷山蹲鴟

卓氏之先趙人秦破趙遷卓氏之蜀曰吾聞岷山之沃  
野有蹲鴟至死不饑乃求遠遷致之於臨邛

張騫得種

張騫奉使還始得大蒜苜蓿

自食菜羹

後漢崔瑗愛士好賓客盛修肴膳殫極滋味不問餘產  
居常食菜羹而已

瓦器蔬食

後漢宣帝常蔬食瓦器

留薤欲種

蘇峻之亂庾太尉南奔見陶公陶公雅賞重陶性儉吝  
及食噉薤庾因留用陶問用之何為庾公曰故可種於  
是大歎

菜名避諱

有蔡郎者父諱純遂呼蓴菜為露葵面牆之徒遞相倣  
效有士人聘齊主客郎李恕問曰江南有露葵否荅曰

露葵是蓴菜水鄉所出今所食者綠葵耳

顏氏家訓

勸食菜

見食物門

野人獻芹

見餽遺門

秋風思蓴

見思鄉門

挑菜傷指

范宣挑菜傷指大啼曰身體髮膚不敢毀傷故啼

藝文類聚

燕用菜果

桓溫性儉每燕唯下七奠杆菜果而已

常食唯菜

吳隱之為廣州清操愈勵常食不過菜及乾魚而已

大官常蔬

梁武帝大官常膳唯以菜蔬

菜食老葉

齊江泌性仁孝食菜不食心以其生意唯食老葉而已

未嘗食薑

梁周捨占對辯捷嘗與裴子野語及嗜好子野云從來

未嘗食薑捨應聲曰孔稱不撤裴乃不嘗一座皆悅

販蔥為業

梁呂僧珍為冠軍將軍封平固侯其先以販蔥為業及僧珍貴其兄子棄業求官僧珍不許曰汝等自有常分豈可妄求但當速歸蔥肆耳

為守種菜

梁蔡搏為吳興守不飲郡井齋前自種白菟紫茄以為常餌詔褒其清



二十七種

庾杲之清貧自樂食惟有韭蒹淪韭生韭雜菜任昉戲之曰誰謂庾郎貧食有二十七種謂三種韭也

南史

李崇

為尚書令富而儉食常無肉止有韭茹韭蒹崇客李元

祐謂人曰李令公一食十八種人問其故元祐曰二韭

十八聞者大笑

雞跖集

春韭秋菘

齊周顒隱鍾山王儉謂曰卿在山中何所食答曰赤米

白鹽綠葵紫蓼又問何者最佳曰春初早韭秋末晚菘  
受蒜不食

周黨見閔仲叔食無菜遺之生蒜仲叔曰我欲省煩耳

今更作煩耶受而不食

高士傳

懶殘食芋

李泌在衡嶽有僧明瓚號懶殘

性懶而食殘故云

泌察其非凡

人夜往謁之瓚發火芋啗之曰勿多言領取十年宰相

本傳

蒸葫蘆

見食味門

種菜貽笑

沖晦處士李退夫者為事矯怪居京師北郊一日種葫  
蘆俗傳主人人口誦猥語則茂退夫撒種密誦曰夫婦之  
道人倫之正云不絕于口忽有客至命其子畢之子  
執餘種曰大人已曾上聞皇祐中館閣中或議論則曰

宜撒葫蘆一巡

江南野錄

咬得菜根

汪信民嘗言人常咬得菜根則百事可做胡康侯聞之

擊節嘆賞

聞見錄

食菹得蛭

以下係菹

楚惠王食寒菹而得蛭因吞之

韭菜蘆

石崇為客作豆粥咄嗟便辦每冬得韭萍蘆王愷密問其帳下云豆至難熟豫作熟味客來但作白粥投之韭萍蘆是擣韭根新以麥苗耳

蘆汁為美

宋太宗命蘇易簡講文中子有楊素遺子食經羹藜舍  
糗之說因問食品何物最珍對曰物無定味適口者珍  
臣尚知蘆汁為美臣憶一夕寒甚擁爐痛飲夜半吻燥  
中庭月明殘雪中覆一蘆盃連咀數根臣此時自謂上  
界仙厨鸞脯鳳胎殆恐不及屢欲作冰壺先生傳紀其  
事因循未果也上笑而然之

僧大瑩玉

並清話

古今文集

雜著

菜生異花

菜品中蕪菁菘芥之類遇早其標多結成花如蓮花或作龍蛇之形此常性無足怪者熙寧中李賓客及之知潤州園中菜花悉成荷花仍各有一佛坐于花中形如雕刻莫知其數暴乾之其相依然或云李君之家奉佛甚謹因有此異

筆談

玉延賦

陳去非

吾聞陽公之田不墾不耕爰播盈斗可獲連城資陰陽  
之淑氣孕天地之至精蜿蜒赤堠之腴煌彪白虹之英  
驚山木之潤發冒朝采之餘榮逮百嘉之澤盡侯此玉  
之豐成王公大人方以不貪為寶辭秦玉而陋楚珩雖  
三獻其奚售乃舉贄於老生老生囊中之法未試腹內  
之雷久鳴塞石鼎以自濯搗豕腹之彭亨春江浩其波  
濤遠壑颯以松聲俄白雲之漲谷亂雙眼於晦明擅人  
間之三絕色味勝而香清捧盃盃而笑領映窻戶之新晴

斥去懶殘之芋盡棄接輿之菁收竒勲於景刻已未落

而體輕凌厲八仙埽除三彭見蓬萊之夷路接閭闔於

初程彼徇華之大夫

張景陽七命徇華大夫造沖漢公子其七命末云浮蠟星涕飛華萍

接玄石當其味儀氏進其法傾蠶一朝可以流洒千日

含三生之宿醒汗之以蜂

蜜辱之以羊羹合嘗逸少之炙同傳孝儀之鯖喚超然

之至味乃陸沈於聾盲豈皆能於我遇亦或卿而或烹

左傳石乞曰事克以為卿不克則烹

起援筆以三叫馳蛇蚓以縱橫吾何

與大夫之迷疾

列子秦人逢氏子有迷罔之疾視白以為黑享香以為臭嘗甜以為苦也蓋



以慰此玉之不平也

老圃賦

洪舜俞

嗟余生之刺乖甘偁密而即疏痛虺隤其倦游羸盟薄  
乎閑居老既怯於山橋窮莫備乎澤車坐玩相牛之經  
閒抄種樹之書五十步兮野圃數百步兮破廬一秃翁  
以自樂羣癡兒而共鉏冰解寒祛霏開日舒濯濯我畦  
瀏瀏我渠穉甲怒長鮮英蔚扶涉熟成趣驩然忘幼翁  
放鉏顧兒而言曰汝亦知夫世有遇不遇之蔬乎駕醵

施蓼麤醢有菹藟蒲羞鼈食瓜薦魚芥醬且葢蔥漑且  
胸烈有桂椒滑有堇榆已多乎燧人庖犧氏之初而況  
織翠屠蘇殷紅氍毹淋漓觴竿轟礧鍾竿猩唇豹胎之  
鼎素龜紫駝之厨始饒涎其趨新中便腹而厭餘於是  
革臊望風而引部芳辛候色而應須擷翠茗於崑丘掇  
瑤穎乎方壺蔗漿盛夏而凍合萍蘆祁寒而暖敷行以  
白玉奉之綠珠五侯鯖兮遜美天酥阨兮失腴此其遇  
合不啻初識之機雲晚見之嚴徐也若乃岩壑棲遲竹

屋槿籬萼擅場於秋風空結鱸魚之思非爭長於春雨  
未辨黃梁之炊荻生而河豚上橙熟而蟹螯肥指雖動  
而莫訓腹不負其幾希已而凌寒采薇近陽刈葵祛萱  
堂背擔芹澗湄饒黃獨之雪苗筐白薤之露蕤茗蘼蕪  
以滌煩醪枸杞而補羸冷淘煮兮槐茁餽鈍斫兮藟滋  
泣膏研兮電突飲糞火兮蹲鴟酣糟紫薑之掌冰醢青  
陳之絲雲蒸嬰粟之乳濤湧胡麻之糜輪菌鵝鴨之飴  
鬱屈龍蛇之芝婆娑熊蟠之菰盤髮虬髯之苕鱗孕子

兮梭魚鼈解裙兮樹雞竹競綳兮稚子蕨初拳兮小兒  
以至太華之藕黃河之菇婆羅之波稜大宛之苜蓿南  
越之鹿角江東之嵒蹄與夫蜀之雞蘇龍鶴枏脯加皮  
名器紛綸色光陸離性異溫涼氣分王衰毫擇加精調  
而得宜香聞喪心味適解眉有舉按之接敬無轅釜之  
見欺芬芬苾苾雜陳更進可以甦文園之渴療首陽之  
饑彼其石芥老而愈勁苦筍少而已奇葍有拂士之風  
菊抱幽人之姿回睨蔓菁隨地而易質薯蕷視人而變

形曾不滿乎一嗤矧肯數乎惡哉邪萬臭赫而穢萎然  
是蔬也進不榮於珥貂鳴玉之齒退不豪乎重削胃脯  
之頤烟雲歎薄乎夜讀之吻風露簸蕩乎朝吟之脾與  
齋鉢莫爭道食方丈乎何期其不道可知已兒拱而前  
其然豈然諸葛以姓行元脩以字傳王魯得決老而重  
銀茹為涪翁而妍與其見賞於肉食之鄙孰若託名於  
粹茹之賢蓋窮患矯名之不立而不患併日之食張達  
患伯學之不能行而不患一筋之萬錢苟道義之信飽

飯蔬食而樂焉翁捧腹一笑長歌振林皎白駒之束芻  
毋金玉兮爾音

題畫菜

黃魯直

不可使士大夫不知此味不可使天下之民有此色

古詩

題張處士菜園

高適

耕地桑柘間地肥菜常熟為問葵藿資何如廟堂肉

次劉秀野蔬食十三韻

朱元晦

乳餅

詩朝薦蔬盤乳餅有真味不用精瓊糜無勞爛羊胃

新筍

脩脩江上林白日暗風雨下有萬玉虬三冬卧寒土

紫葠

誰將紫芝田種此槎上土便學商山翁風餐謝肥羜

子薑

薑云能損心此謗誰與雪請論去穢功神明看朝徹

茭筍

寒茭翳秋塘風葉自長短  
剗心一飽餘并得牀敷軟

南苻

黃龍記昔遊園客有佳遺  
不為洛生吟輟食時擁鼻

焯菜

小草有真性託根寒澗幽  
懦夫曾一噉感憤不能休

木耳

疎腸久自安異味非所諺  
樹耳黑垂晡登盤今亦乍



蘿蔔

紛敷剪翠叢津潤擢玉本寂寞病文園吟餘得深齷

芋魁

沃野無凶年正得蹲鴟力區種萬葉青深煨奉朝食

筍脯

南山春筍多萬里行枯腊不落盤飧中今知綠如簍

豆腐

世傳豆腐本淮南王術

種豆豆苗稀力竭心已腐早知淮南術安坐獲泉布

白華

聞說閬風苑瓊田產玉芝不放雲表露烹淪詎相宜

園蔬十詠

劉彥沖

茭白

秋風吹折碧削玉茹芳根應傍鵝池發中懷洒墨痕

芋

分得蹲鴟種連根占地腴曉炊黏玉糝深碗啖模糊

韭

肉食朝三九終憐氣韻清一畦春雨足翠髮剪還生

瓠

溉釜熟輪菌香清味仍美一線解瓊瑤中有佳人齒

芥

葉實抱芳辛氣烈銷煩滯登俎效微勞乍食驚頻嚏

菘

周郎愛晚菘對客蒙稱賞今晨喜薦新小嚼冰霜響

波稜

金鏃因形製臨畦發永嘆時危思預佩楚客莫紉蘭

子薑

新芽肌理膩映日淨如空恰似勻妝指柔尖帶淺紅

蘿蔔

密壤穿根帶風霜亦飽經如何純白質近蒂染微青

苦菜

雖無適口味暖益功稀比菜苦不登盤言忠多逆耳

種蒿苳

杜甫

莛兮疏之常隨事藝其子破塊數席間荷鉏功易止兩  
旬不甲拆空惜埋泥滓野覓迷汝來宗生實於此因知  
邪干正掩抑至沒齒中國陷蕭艾老圃永為恥登干白  
玉盤藉以如霞綺覓也無所施胡顏入筐篚

答劉原父寄糟薑

梅聖俞

名園萬家城千畦等封侯斲當燕去前醺芽費糟丘無  
筋偃王笑有味三閭羞寄入翰林席聖以不撤優又寄  
蓬門下作賦誰肯休唯我廣文舍免為虀鹽仇劉公漢

家裔才學歆向儔胸懷飽經史辨論出九州曾不奉權  
貴但與故人投贈辛非贈甘此意當自求

元脩菜

并序

蘇子瞻

菜之美者有吾鄉之巢故人元脩嗜之余亦嗜之元脩  
云使乳北海見當復云吾家菜耶因謂之元脩菜余去  
鄉十有五年思而不可得見元脩適自蜀來見余於黃  
乃作是詩使歸致其子種之東坡之下云

彼美居家菜鋪田綠茸茸夏英圓且小槐芽細而豐種

之秋雨餘擢秀繁霜中欲花而未萼一一如青蟲是時  
青裙女採掇何匆匆烝之復湘之香色蔚其饒點酒下  
鹽豉縷橙芼薑蔥那知雞與豚但恐放筯空春盡苗葉  
老耕翻烟雨叢潤隨甘澤化暖作青泥融始終不我負  
力與糞壤同我老忘家舍楚音變兒童此物獨嫵媚終  
年繫余胸君歸致其子囊盛勿函封張騫移苜蓿適用  
如葵菰馬援載薏苡羅生等蒿蓬懸知東坡下脊齒化  
千鍾長使齊安人持此說兩翁

雨後苻菜

蘇子瞻

夢回聞雨聲喜我菜甲長  
平明江路濕竝岸飛雨漿  
天公真富有乳膏瀉黃壤  
霜根一蕃滋風葉漸俯仰  
未任筐筥載已作盃盤想  
艱難生理窄一味敢專享  
小摘飯山僧清安寄真賞  
芥藍如茵葷脆美牙頰響  
白菰類羔豚冒土出踏掌  
誰能視火候小竈當自養

種決明

黃魯直

后皇富嘉種決明注方術  
耘鋤一席地時至觀茂密  
縹



葉資毛羹細花馬蹄實霜叢風雨餘簌簌場功畢枕囊  
代曲肱甘寢聽芬苾老眼願力餘讀書真成癖

種菜

劉彥沖

傍舍植柔蔬攜鉏理荒穢桔槔勤俯仰一雨功百倍朝  
來綠映土新葉搖肺肺牛羊勿踐畦肉食屠爾輩

春菜

蘇子瞻

蔓菁宿根已生葉韭芽戴土拳如蕨爛蒸香薺白魚肥  
碎點青蒿涼餅滑宿酒初消春睡起細履幽畦掇芳辣

茵陳甘菊不負渠鱸縷堆盤纖手抹北方苦寒今未已  
雪底波稜如鉄甲豈知吾圃富冬蔬霜葉露芽菜更茁  
久拋松葛猶細事苦筍江豚那忍說明年投効徑須歸  
莫待齒搖并髮脫

次韻子瞻春菜

黃魯直

北方春蔬嚼冰雪妍暖思采南山蕨爛蒸水餅姑置之  
苦菜黃雞羹糝滑萼絲色紫菰白首羹蒿味甜葚頭辣  
生菹入湯翻手成芼以薑橙誇縷抹驚雷菌子出萬釘

白鵝截掌鼈解甲琅玕森深未飄籜軟炊香粳煨短茁  
萬錢自是宰相事一飯且從吾黨說公如端為苦筍歸  
明日青衫誠可脫

援筍

蘇子瞻

贈君木魚三百尾

其狀如魚剖之得如魚子味若苦筍

中有鵝黃子魚子

夜叉剖癭欲分甘

王璘詩援櫚葉散夜叉頭

籜龍藏頭敢言美願隨

蔬果得自用勿使山林空老死問君何事食木魚烹不

能鳴固其理

答永新宗令寄石耳

黃魯直

饑欲食首山薇渴欲飲潁川水嘉禾令尹清如水寄我  
南山石上耳筠籠動浮煙雨姿淪湯磨沙光陸離竹萌  
餌粉相發揮芥薑作辛和味宜公庭退食飽下筯把菊  
避席遺芹齏鴈門天花不復憶况乃桑鵠與楮雞小人  
藜羹亦易足嘉蔬遺餉荷眷私吾聞石耳之生常在蒼  
崖之絕壁苔衣石腴風日炙捫蘿折蘋採萬仞側足委  
骨豺虎宅佩刀買犢劍買牛作民父母今得職閤仲叔

不以口腹累安邑我其敢用鮓菜煩嘉禾願公不復甘  
此鼎免使射利登嵯峨

葦子

楊廷秀

空山一雨山溜急漂流桂子松花汁土膏鬆暖都滲入  
蒸出葦花團戢戢戴穿落葉忽起立撥開落葉百數十  
蠟面黃紫光欲濕酥莖嬌脆手輕拾響如鵝掌味如蜜  
滑似蓴絲無點澀傘不如笠釘勝笠香留齒牙麝莫及  
菰羔楮雞避席揖餐玉茹芝當却粒作羹不可疎一日

作腊仍堪贈盈笈

羅仲憲送蔞菜謝以長句 楊廷秀

學琴自有譜相鶴自有經  
蔬經我緒盡不見蔞菜名  
金華詩裏初相識玉友尊  
前每相憶坐令芥孫姜子  
牙一見風流俱避席取士  
取名多失真向來許靖亦  
誤人君不見鄭花不得半  
山句却參魯直稱門生

律詩

煮菜

蘇子瞻

秋來霜露滿東園  
蘆葍生兒芥有孫  
我與何曾同一飽  
不知何苦食雞豚

奉和孫奉議送菜絕句

黃魯直

春蔬照映庾郎貧  
遣騎持籠佐茹葷  
却得齊厨厭滋味  
白鵝存掌鼈留裙

謝楊履道送銀茄

黃魯直

君家水茄白銀色  
殊勝埧裏紫彭亨  
蜀人生疎不下箸  
吾與北人俱眼明

陳說道約日送菜把

黃魯直

南山疇昔從諸父  
雨甲煙苗手自鉏  
三徑就荒歸計拙  
溷煩僚友送園蔬

田園雜興

范至能

桑下春蔬綠滿畦  
菰心青嫩芥臺肥  
溪頭洗擇店頭賣  
日暮裹鹽沽酒歸

又

海雨江風浪作堆  
時新魚菜逐春回  
荻芽抽筍河魴上



棟子開花石首來

又

梅子金黃杏子肥  
麥花雪白菜花稀  
日長籬落無人過  
惟有蜻蜓蛺蝶飛

又

撥雪挑來蹋地菰  
味如蜜藕更肥濃  
朱門肉食無風味  
只在尋常菜把供

葍菜

楊廷秀

薤曰文辭粲受辛子牙為祖芥為孫勸君莫謁獨醒客  
只謁高陽社裏人

謝阮隱居致薤

杜甫

隱者柴門內畦蔬遶舍秋盈筐承露薤不待致書求東  
北青芻色圓齊玉筍頭衰年關隔冷味暖併無憂

和七兄山薤湯

黃魯直

厨人清曉獻瓊糜正是相如酒渴時能解飢寒勝湯餅  
客無風味笑蹲鴟打窻急雨知然鼎亂眼睛雲看上匙

已覺塵生雙井碗濁醪從此不須持

山藥

朱元晦

恠來朽壤耀瓊英小斲傾筐可代耕  
豢豹於人儘無分蹲鴟從此不須生  
雪鑱但使人長健石鼎何妨手自烹  
欲賦玉延無好語羞論蜂蜜與羊羹

春山筍蕨

楊廷秀

庖鳳烹龍世浪傳猩唇熊掌我無緣  
只逢筍蕨杯盤日便是山林富貴天  
稚子玉膚新脫錦小兒紫臂未開拳

只嫌嶺外無食饌一味春蔬不直錢

病中屏肉味獨茹菜羹飯甚美

楊廷秀

雲子香抄玉色鮮菜羹新煮翠茸纖人間膾炙無此味  
天上酥陀恐爾甜渾是土膏含雨露何須醬豉與醯鹽  
茹毛禍首雍巫出饒到熊蹯未屬厭

古詩

以下  
係蔬

食蔬

陳去非

君不見領軍家有鞋一屋相國藏椒八百斛士患饑寒  
求免患癡兒已足憂不足伯龍平生受鬼笑無錢可使  
宜見瀆但當與作謫仙詩聊復使渠終夜哭詩中有味  
甜如蜜佳處一哦三鼓腹空腸時作不平鳴却恨忍饑  
猶未熟冰壺先生作玄傳木奴魚婢何足錄顏生狡獪  
還可憐晚食由之未忘肉

鹹齏十韻

陸務觀

九月十月屋瓦霜家人共思畦蔬黃小罌大甕洗滌濯

青松綠韭謹蓄歲天氣初寒手訣妙吳鹽正白山泉香  
挾書旁觀稚子喜洗刀鋸作厨人忙園丁無事卧曝日  
棄棄狼籍堆空廊泥為緘封糠作火守護不敢非時嘗  
人生各自有貴賤百花開時促高宴劉伶病醒相如渴  
長魚大肉何由薦凍齏此際價千金不數清泉槐葉麵  
摩挲便腹一欣然作歌聊續冰壺傳

詠齏

楊廷秀

庚郎晚菘翡翠茸金城土酥玉雪容如何俱墮瑤甕中


却與醯雞同閔宮金井銀床水清泚雪山冰谷鹽輕脆  
秋風一月釀得成字曰受辛非麴生太學鹽生朝復暮  
茹冷啜寒那可度十年雪汁凍蔬腸一夜饑雷聽更鼓  
不如吏部甕頭醒一逢受辛還一醒畢卓與爾同死生  
律詩

芹蘆

楊廷秀

茆薑馨辣最嘉蔬孫芥芳辛不讓渠蟹眼嫩湯微熟了  
鵝兒新酒未醒初棖香酸醎作三友露葉霜芽知幾鋤

自笑枯腸成破甕一生只解貯寒燄



古今事文類聚後集卷二十二



欽定四庫全書

子部

古今事文類聚後集卷二十三

詳校官中書臣孫衡

侍讀臣孫球覆勘

總校官編修臣王燕緒

校對官中書臣趙秉淵

謄錄監生臣胡曉春

欽定四庫全書

古今事文類聚後集卷二十三

宋 祝穆 撰

林木部

松

羣書要語其在人也如松柏之有心也故貫四時不改

柯易葉

禮記

歲寒然後知松柏之後凋也

語

徂徠之松

閔宮

薦與女蘿

類并

千歲之松下有茯苓上有兔絲

淮南子說山訓

松

脂淪入地中千歲為茯苓

記 玄中

天陵偃蓋之松大谷倒

生之松

抱朴子

飲石泉兮蔭松柏

離騷

蔭落落之長松

孫綽賦

松數千株切切交峙如冠劍大臣國有疑難庭立而議

杜牧晚晴賦

撫孤松而盤桓

陶歸去辭

大松千歲其精化為青牛

為伏龜

嵩山記

詩句鬱鬱澗底松

選

虛閣自松聲

杜

看松露滴身

杜

勁

色不改節芳心誰與榮

柳

南望長松架短壑安得赤脚

踏層冰

杜秋熱

偃蓋反走蛟龍形

杜

疎松隔水奏笙簧

杜

疎韻秋撼撼涼陰夏淒淒

白庭松

鐵衣生澁紫鱗乾

石曼卿

影搖千尺龍蛇動聲撼半天風雨寒

同上

古今事實

食松實

偓佺好食松實能飛行如走馬以松子遺堯堯不能服  
時受服者皆至三百歲

劉向神仙傳

秦封大夫

見秦山門

夢松為公

見夢門

墓前種松

徐孺子墓在郡東時杜牧為守於墓前種松

豫章記

齊前種松

張湛好於齊前種松時人曰張湛屋下陳屍

三徑松菊

陶淵明歸去來辭三徑就荒松菊猶存

如千丈松

和嶠庾亮見之嘆曰嶠森森如千丈松雖礫砢多節施

之大厦有棟梁之用

七松處士

見隱逸門

大松百章

秦系結廬泉州九日山有大松百餘章俗傳東晉時所植

松菊主人

韋表微授監察御史不樂曰吾將為松菊主人不愧陶

淵明云

夾道植松

蔡君謨為閩部使者夾道種松以蔽歌毒閩人至今賴

之

郡志

古今文集

雜著

植松論

符載

英華

楚國主人嗜材寡異有樹美松于庭者培沃土灌甘澤  
根柢深固柯葉暢達居三十年起盈尺挺於累丈始莖

筋大於拱把高姿傑然若陵重霧主人方凝睇結意曰  
是可采之矣將行斧焉客有遇之者曰噫其甚也是本  
有夏雲之姿有構廈之材繩墨太速恐失其理今植于  
庭除之間充耳目之玩尚見狎近氣色不振若徙於嵩  
岱之間沆瀣之華注於內日月之光薄於外祥鸞噉噉  
戲其上流泉湯湯鳴其下巖岫重複漠漠然清淨靈風  
四起聲掩竿籟是時也當境勝神王拔地千丈根實黃  
泉枝摩青天則可以柱明堂而棟大廈也豈遐曠之旨



捨此而取其槩楠栳檠哉主人曰客言雖濶而無岸然  
余終能大之矣

恠松圖讚并序

陸龜蒙

有道人自天台來示余恠松圖披之甚駭人目根盤于  
巖穴之內輪囷偃側而上身大數圍而高不四五尺礪  
礪然蹙縮然榦不暇枝枝不暇葉有若龍攀虎踞壯士  
囚縛之狀道人曰是何奇恠之如是乎余曰草木之生  
安有恠耶苟肥瘠得於中寒暑均於外不為物所凌折

未有不挺而茂者也况松柏乎今不幸出於巖穴之內  
雖正性不辱而力與石鬬卒不勝其壓擁勇鬱遏至憤  
激訐然後大醜彰於形質天下指之為恠木吁豈懼人  
乎哉天之賦才之盛者蚤不得用於世則伏而不舒薰  
蒸沈酣日進其道摧擠勢奪卒不勝其阨號呼呶拏發  
越赴訴然後大奇出於文彩天下指之為恠民嗚呼木  
病而後恠不恠不能圖其真人病而後奇不奇不能駭  
於俗非始不幸而終幸者耶道人曰然為我讚之讚曰

松生陰隘巖歎穴械病乎不快卒以為恠擁腫支離神  
羞鬼疑道人咨嗟筆傳其奇或恠于形或奇於辭吾為  
恠魁是以讚之

古詩

商山臨路有孤松往來斫以為明好事者憐  
之編竹成援遂其生植感而賦詩

柳宗元

孤松停翠蓋託根臨廣路不以險自防遂為明所誤幸

逢仁惠意重此藩籬護猶有半心存時將承雨露

松

魏劉公幹

亭亭山上松瑟瑟谷中風風聲一何盛松枝一何勁風  
霜正慘淒終歲常端正豈不罹雪霜松柏有本性

戲作種松

蘇子瞻

我昔少年日種松滿東岡初移一寸根瑣細如插秧二  
年黃茆下一一攢麥芒三年出蓬艾滿山散牛羊不見  
十餘年想作龍蛇長夜風波浪浪碎朝露珠璣香我欲食

其膏已伐百年桑

煮松脂用桑柴灰水

人事多乖迺神藥竟渺茫

竭來齊安野矣路鬚髯蒼會開龜蛇窟不惜斤斧瘡縱  
未得茯苓且當拾流肪釜盎百出入皎然散飛霜槁死  
三彭仇澡換五穀腸青骨凝綠髓丹田發幽光白髮何  
足道要使雙瞳方却後五百年騎鶴還故鄉

種松

得律字

蘇子瞻

春風吹榆林亂葉飛作堆荒園一雨過戢戢千萬栽青  
松種不生百株望一枚一枚已有餘氣壓千仞槐野人

易斗粟云自魯徂徠魯人不知貴萬竈飛青煤束縛向  
一車胡為乎來哉泣然解其縛清泉洗浮埃枝葉傷尚  
困生意未肯回山僧老無子養視如嬰孩坐待老龍蛇  
清蔭滿南臺孤根裂山石直榦排風雷我今百日客養  
此千歲材茯苓無消息雙鬢日夜催古今一俛仰作詩  
寄餘哀

古風上蘇子瞻

黃魯直

青松出澗壑十里聞風聲上有百尺絲下有千歲苓自

性得久要為人制顏齡小草有遠志相依在平生醫和  
不竝世深根且固蒂人言可醫國何用太早計小大材  
則殊氣味固相似

律詩

贈賣松人

于武陵

入市雖求利憐君意獨真  
斲將寒澗樹賣與翠樓人  
瘦葉幾經雪澹花應小春  
長安重桃李徒染六街塵

松

白居易

偃亞長松樹侵臨小石溪靜將流水對高共遠峰齊翠  
蓋煙籠密花幢雪壓低與僧清影坐借鶴穩枝棲筆寫  
形難似琴偷韻易迷曙天風瑟瑟靜夜雨淒淒獨憩依  
為舍間行繞作蹊棟梁君莫採留著伴幽棲

中書相公任兵部侍郎日後閣植四松逾數  
年獬忝此官因獻拙作 鄭毅夫

丞相當時植幽襟對此開人知舟楫器天假棟梁材錯  
落龍鱗出襪襪鶴翅迴重陰羅武庫細響靜山臺得地



公堂裏移根澗水隈  
吳臣夢寐遠秦嶽  
歲年催轉覺飛  
纓謬何因繼組來  
幾尋珠履跡  
願比角弓培  
柏悅猶依  
社星高久照台  
後凋應共操  
無復問良媒

小松

章孝標

爪葉鱗條籠不盤  
梳風幕翠一庭寒  
莫言只似人長短  
須作浮雲向上看

小松

杜荀鶴

自小刺頭深草裏  
而今漸覺出蓬蒿  
時人不識凌雲木

直待凌雲始道高

道傍大松人取為明

王介甫

虬角龍髯不可攀  
亭亭千丈蔭南山  
應嗟無地逃斤斧  
豈願爭明燭火間

詩言松意尚不願見採於匠石  
充棟梁之用况肯區區與螢燭爭明於頃刻間耶

秋思寄子由

黃庭堅

黃落山川知晚秋  
小蟲催女獻功裘  
老松閱世卧雲壑

挽著滄江無萬牛

松

鄭谷

下視垂楊拂路塵  
雙峰石上覆苔文  
濃霜滿徑無紅葉  
晚日高枝有白雲  
春砌花飄僧旋掃  
寒溪子落鶴先聞  
那堪寂寞悲風起  
千樹深藏李白墳

古松

王介甫

森森直幹百餘尋  
高入青冥不附林  
萬壑風生成夜響  
千山月照掛秋陰  
豈因糞壤栽培力  
自得乾坤造化心

廊廟乏材應見取世無良匠勿相侵

萬松亭

并序

蘇子瞻

麻城縣令張徹植萬松於道周以庇行者且以名其亭去未十年而松之存者十不及三四傷來者之不嗣其意也故作是詩

十年栽種百年規好德無人助我儀縣令若同倉庾氏亭松應長子孫枝天公不救斧斤厄野火解憐冰雪姿為問幾株能合抱殷勤莫忘角弓詩

昭二年晉侯使韓宣子來聘公享之韓子

賦角弓既享宴于季氏有嘉樹焉宣子譽之武子曰宿敢不封殖此樹以無忘角弓之詩遂賦甘棠

古松

劉彥沖

風韻颼颼遠更清  
蒼髯瘦甲聳亭亭  
連根欲鬪巖巖力  
一蓋常涵雨露清  
曾映月明留鶴宿  
近經雷霹帶龍腥  
衰殘愧我無仙骨  
願採流膏慰暮齡

柏

檜附

羣書要語荊州厥貢杕榦栝柏禹貢新甫之柏閔松柏為

百木之長而守宮閭

史記

柏曰蒼官

樊宗師  
國亭記

四時常保其

青青

莊子

檜柏葉松身

說文

詩句偃蹇龍虎姿生當風雲會豈知十年根中路顏色

壞

杜病柏

古今事實

柏臺

朱博為御史大夫府中列柏有野烏數十棲其上因名

柏臺

漢陵植柏

漢諸陵皆屬太常不屬郡縣其入盜松柏者棄市

三輔舊事

陵柏復生

昭帝時長安諸陵柏樹枯倒者悉起生葉蟲食作字云公孫病已立後昭帝崩

萊公柏

冠萊公知巴東縣嘗手植雙柏於縣庭至今民以比甘

棠謂之萊公柏

政要

後巴東大火柏與公祠俱焚明年莆

陽鄭贛來為令悼柏之焚惜公手植不忍剪伐種凌霄

於下使附榦而上以著公遺德且慰邦人之思

燕談

古今文集

古詩

古柏行

杜甫

孔明廟前有老柏柯如青銅根如石霜皮溜雨四十圍  
黛色參天二千尺君臣已與時際會樹木猶為人愛惜  
雲來氣接巫峽長月出寒通雪山白憶昨路繞錦亭東  
先主武侯同閼宮崔嵬枝幹郊原古窈窕丹青戶牖空



落落盤踞雖得地冥冥孤高多烈風扶持自是神明力  
正直元因造化功大厦如傾要梁棟萬牛回首丘山重  
不露文章世已驚未辭剪伐誰能送苦心豈免容螻蟻  
香葉終經宿鸞鳳志士幽人莫怨嗟古來材大難為用  
律詩

晉朝柏

溫度筠

晉朝名輩此離羣想對濃陰去幾分題處尚尋王內史  
畫時應是鮑參軍長廊夜靜聲疑雨古殿秋深影勝雲

一下南臺到人世晚泉清韻更誰聞

古詩

以下  
係檜

和趙景貺栽檜

蘇子瞻

潁州與亳州接境亳州老君觀有丹沙井  
有檜其文左紐枝枯而再生

汝陰多老檜處處屯蒼雲地連丹砂井物化青牛君時  
有再生枝還作左紐文王孫有古意書寶延清芬應憐  
四孺子

管子對齊公之問苗曰苗始  
其少也煦煦乎其孺子也

不墮凡木羣體備

松柏姿氣含芝朮薰初扶鶴立骨未出龍纏筋巢根白  
蟻亂網葉青蟲紛乃知蔽芾初甚要封殖勤他年皮三  
寸狐鼠了不聞

次韻趙德麟植檜

陳無已

種木待成材聊為十年事日中趨百里寧問萬牛費植  
檜三尺強已有凌雲氣生世能幾何擬作千年計衆人  
笑拍手君子用其意蕭蕭孤竹君忘言嘿相契名以金  
石交椿楊豈奴婢緬懷萬仞顛千丈蔚蒼翠蟠根泉石

底用意霜雪外寧須大厦材坐待芥斤至散為風雨聲  
密作牛馬蔽

律詩

檜

秦韜玉

窅雲交榦瘦輪囷嘯雨吟風已百春深蓋屈盤青麈尾  
老皮張展黑龍鱗唯將寒色資琴興不放秋聲染俗塵  
歲月如波事如夢竟留蒼翠待何人

桑  
榆附

羣書要語繫于苞桑

易

厥貢縹絲

禹貢

蠶月條桑

詩七月

猗

彼女桑以伐遠揚

七月

桑之未落其葉沃若

氓

將採其劉

采桑無伐我樹桑

將仲子

季春之月命野虞無伐桑柘

記月令

五畝之宅樹牆下以桑

孟子

齊魯千畝桑其人與千戶侯

等

貨殖傳

榆榆曰樞莖

山有樞是也爾雅

榆白粉也榆有刺莢為蕪莢

說文

無姑其實夷

今無夷是也爾雅

山有樞隰有榆

詩

司烜氏春取

榆火

禮周

葷葷粉榆兔膏滑髓以滑之

內則

榆社

見社門

榆塞

見唐  
人詩

詩句桑柘起寒烟

謝朓

桑柘葉如雨

杜荀

縑成白雪桑重

綠

荆公

古今事實

桑穀共生

伊陟相太戊毫有祥桑穀共生於朝

生空桑中

見誕子門

翳桑餓人

見食門

道悅桑婦

見夫婦門

故妻採桑

魯秋胡子納妻五日而官於陳後歸未至家見路旁有美婦人方採桑秋胡悅之下車願託桑蔭下婦人採桑不顧胡曰力田不如逢年力桑不如見郎今吾有金願與夫人婦人不受胡乃歸母呼其婦乃向採桑者也數胡之罪而自投于河

瘤女採桑

見皇太后門

二家爭桑

吳公子光伐楚拔居巢鍾離初楚邈邑卑氏之處女與  
吳邈邑之女爭桑二女家相怒喧兩國楚邈邑長聞之  
怒而攻滅吳之邈邑吳王怒遂伐楚兩都

史記

羅敷採桑

秦氏女邯鄲人名羅敷嫁邑人千乘王仁後為趙王家  
令數出採桑于陌上王登臺見而悅之欲奪焉數乃彈  
箏作陌上之歌以自明

歌見夫  
婦門



勸民農桑

漢景帝詔朕親耕后親桑以奉宗廟桑盛祭服為天下  
先欲天下務農蠶素有畜積

桑無附枝

張堪為漁陽太守勸民耕種百姓歌曰桑無附枝麥穗  
兩歧張君為政樂不可支

躬自採桑

龐士元師事司馬德操不矜小名人莫知之德操蠶月

躬採桑後園士元助之因與談世廢興其言若神遂移日忘飡德操於是異之

桑如車蓋

先主舍東南角籬下有桑樹生高五丈餘遙望幢幢如小車蓋往來者皆恠此樹非凡或謂當出貴人先主少時與宗中諸兒於樹下戲言吾必當乘羽葆車蓋叔父曰勿妄言滅吾門

夢桑知壽

見年齒門

課民種榆

以下係榆

鄭渾為魏郡太守乏材木乃課百姓種榆為籬

魏志

夾道種榆

襄國鄴路千里之中夾道種榆盛暑之月人行其下

鄴中

記

古今文集

古詩

陌上桑

李白

遊女綰綺衣春還似蠶作五馬如花飛青絲結金絡不  
知誰家子調笑來相謔妾本秦羅敷玉顏艷名都綠條  
映素手採桑向城隅使君且不顧况復論秋胡寒蠶愛  
碧草鳴鳳棲青梧託心自有處但恠旁人愚徒勞白日  
暮高架空踟躕

槐

羣書要語槐之生也入季春五日而兔目十日而鼠耳

淮南子

老槐生火

同上

槐楓被宸

何晏景福殿賦

樹槐聽訟其下注

槐之言歸也情見歸實也

元命苞

據文陞而結根

曹子建賦

守宮槐葉畫聶宵炕郭璞注畫日聶合而夜舒布

爾雅龍

升南陸火集正陽鼓柯命風振葉致涼

晉王濟槐賦

詩句夏槐作雲屯

綠槐十二街

夾道疎槐出老根

並韓集

庭槐似識天顏喜舞破清陰作兩龍

風動槐龍

舞交翠

古今事實

三公面槐

周禮朝士面槐三公位焉

犯槐者刑

齊景公有所愛槐使人守之令曰犯槐者刑傷槐者死  
有醉而傷槐者且加刑焉犯者之女說晏子曰妾聞明  
君不為禽獸以殺人今君以樹木之故殺妾父孤妾恐  
害明君之政損明君之義晏子早朝而復其言於公公  
乃令吏罷守槐之役出犯槐之囚

晏子  
春秋

觸槐而死

晉靈公不君趙宣子驟諫公患之使鉏麇賊之麇退嘆曰不忘恭敬民之主也賊民之主不忠棄君之命不信有一於此不如死也遂觸庭槐而死

槐市

見市門

元始四年起明堂辟雍為博士舍三十區為舍市但列槐樹數百行諸生朔望會此市各持其郡所出物及經書相與買賣雍雍揖讓論議樹下侃侃閤閤

三輔黃圖

槐安國

見蟻門

手植三槐

王晉公祐事宋太祖為知制誥時魏州節度使符彥卿有飛語聞于上遣祐使魏州以便宜付之告曰使還與卿王漕官職及至魏得彥卿家僮二人挾勢恣橫以便宜決配而已及還朝太祖問曰汝敢保符彥卿無異意乎祐曰臣願以百口保之上怒華州安置祐赴貶時親朋送於都門外謂曰意公作王漕官職矣祐笑曰祐不做兒子二郎必做二郎者文正公旦也祐素知其必貴



手植三槐於庭曰吾子孫必有為三公者已而果然天

下謂之三槐王氏云

聞見錄

古今文集

律詩

槐花

鄭谷

粼粼金藥撲晴空舉子愧驚落照中今日老郎猶有恨  
昔年相虐十秋風

槐黃

翁承贊

雨中粧點望中黃勾引蟬聲送夕陽憶得當年隨計吏

馬蹄終日為君忙

南唐詩曰槐花黃舉子忙詩話

宮槐

梅聖俞

漢家宮殿蔭長槐嫩色蔥蔥不染埃天仗龍旂穿影去  
鉤陳豹尾拂枝來青蟲掛後蜂銜子素月生時桂並栽  
我意方同杜工部冷淘唯喜葉新開

梧桐

羣書要語嶧陽孤桐

禹貢

椅桐梓漆爰伐琴瑟注梓實桐

皮曰椅今之梧桐也

定之方中

梧桐生矣于彼朝陽萋萋

萋

卷阿

季春之月桐始華

月令

鸛鸛非梧桐不棲

莊子

龍門之

桐高百尺而無枝中鬱結而輪囷

枚乘

七發

乃斲孫枝注側

生枝也

嵇叔夜

琴賦

聳纖條而麗景涵清風而散音

蕭子

挺

條榦蔭朝陽

劉義

恭賦

詩句梧桐生空井枝葉自相加通泉浸其根玄雲潤其

柯

魏文

寒井落梧桐

選

孤桐北窻外高枝百丈餘葉生

既婀娜葉落更扶疎

謝玄暉

昔也植朝陽傾枝俟鸞鷟今

者絕世用倥偬見迫束班匠不我顧牙曠不我錄焉得

琴瑟成何由揚妙曲

司馬彪

分根蔭玉池欲待高鶯集

沈約

霜風侵梧桐琤若摧琅玕

韓秋懷

梧桐落金井一葉飛銀

床

李

白秋雨梧桐葉落時

白樂天

今夜故人不來教人立

盡梧桐影

古今事實

據桐而瞑

莊子曰平子之神勞子之精倚樹而吟據桐而瞑

剪桐而戲

成王唐叔虞燕居援梧葉剪珪以告曰以此封汝虞喜以告周公周公請封虞王曰余與虞戲周公曰臣聞之天子無戲言於是遂封叔虞於晉

刻桐扣石

晉武帝世吳郡臨平岸出一石打之無聲以問張華華云取蜀中桐材刻作魚形扣之則鳴矣於是如言音聞數里

燒桐以爨

吳人見有燒桐以爨者蔡伯喈聞其爆聲曰良材也因請削為琴尾尚焦名焦尾琴

古今文集

古詩

答元微之桐花

白居易

山木多蒨鬱茲桐獨亭亭葉重碧雲片花簇紫霞英是時三月天春暖山雨晴無人解賞愛有客獨屏營生憐

不得所死欲揚其聲截為天子琴薦之於穆清誠是君子心恐非草木情老龜被刳腸不如無神靈雄雞自斷尾不願為犧牲况此好顏色花紫葉青青宜遂天地性忍加刀斧刑我思五丁力拔入九重城當君正殿栽花葉生光晶上對月中桂下覆階前蔭泛拂香爐煙隱映斧藻屏為君布綠陰當暑陰軒楹為君發清韻風來如叩瓊受君陽和德不獨含芽榮戒君無戲言剪桐封弟兄愛君歲月功不獨資生成為君長高枝鳳凰上頭鳴

一鳴君萬歲壽如山不傾再鳴萬人奉泰階為之平如  
何有此用幽滞在巖扃待余有勢力移爾獻丹庭

題鮮于子駿桐軒

司馬君實

朝陽升東隅照此庭下桐  
葦葦復萋萋居然古人風  
疎柯青玉聳密葉翠羽蒙  
午景凝餘清夕照留殘紅  
雨響澗棟外風生戶牖中  
主人政多暇步賞幸從容  
終當致威鳳覽德鳴雍雍  
又將施五絲解慍歌帝宮

柳



羣書要語旄澤柳楊蒲柳

爾雅

楊薄柳也從木易聲攄河

柳也從木聖聲柳小楊也從木卯聲

說文

毋折我樹杞疏

柳也生水旁樹如柳葉麗而白木理微赤令人以為穀

詩

楊柳依依

采薇

折柳樊圃狂夫瞿瞿

東方未明

苑彼柳斯鳴

蜩嘒嘒

苑柳

枯楊生萑老夫得其女妻

大過

鑽燧改火注春

取榆柳木

語

柳花一名絮

本草

詩句垂楊蔭御溝

文選

塞柳行疎密

官柳著行斜

高

柳半天青

柳影含雲幕

市橋官柳細

並杜

柳色黃金

嫩

李

白大夫曾取柳先生曾得名

英華杜  
三松

莫將條繫纜著

處有蟬號

韓

江頭宮殿鎖千門細柳新蒲為誰綠

杜  
纜

聞暖律先偷眼既待和風始展眉

辛寅  
遜

鬱鬱園中柳

古  
詩

柳花著水萬浮萍注人言柳花化浮萍

坡

柳蜂粘落絮

杜柳花閑渡竹

杜

楊花榆英無才思惟解漫天作雪飛

韓

顛狂柳絮隨風舞

輕輕柳絮點人衣

生憎柳絮

白於綿

糝徑楊花鋪白氈

漏泄春光有柳條

並  
杜

天

棘蔓青絲注柳也

杜

古今事實

柳生肘

支離叔與滑介叔觀於冥伯之丘崑崙之區黃帝之所  
休俄而柳生其左肘支離曰子惡之乎滑介叔曰生者  
假借也假之而生生者塵垢也死生為晝夜且吾與子  
觀化而化及我又何惡焉

莊  
子

家柳下

展禽之家樹柳行惠德因號柳下惠一曰邑名

細柳將軍

漢周亞夫屯軍細柳

五柳先生

陶潛作傳曰五柳先生不知何許人亦不詳姓字宅邊有五柳樹因以為號

章臺柳

張敞為京兆尹走馬街有柳終唐時章臺柳

故杜甫贈嚴武詩云

京兆空

柳市

三眠柳

漢苑中有柳狀如人號曰人柳一日三起三倒故江之

媽賦云不比禁中人柳終朝刺得三眠

溫叟詩話

鍛於柳下

嵇康好鍛宅中有一柳樹甚茂乃激水圍之每夏月居其下以鍛

少時種柳

桓溫自江陵北行少時所種柳處皆十圍慨然嘆曰木

猶如此人何以堪攀枝執條泣然流涕

以柳自蔽

顧愷之癡信小術桓玄嘗以一葉柳紿之曰此蟬翳葉也  
以自蔽人不見已愷之引葉自蔽玄就溺焉愷之信  
不見而珍重之俗傳愷之有三絕此癡之一絕

知盜官柳

陶侃鎮武昌性纖密好問類趙廣漢嘗課諸營種柳都尉  
夏施盜官柳植於已門侃後見駐車問曰此是武昌

西門官柳何因盜來此種施惶恐謝罪

蜀柳可愛

齊劉悛之為益州刺史獻蜀柳數株條甚長狀若絲縷  
武帝植於太昌靈和殿前常翫嘆曰此楊柳風流可愛  
似張緒少年時當見賞如此

狀如車蓋

隋高潁孩提時家有柳樹高百許尺亭亭如車蓋父老  
曰此家當出宰相後潁果至宰相

隋堤柳

隋煬帝自板渚引河築街道植以柳名曰隋堤一千三百里

白楊不祥

唐司稼卿梁孝仁高宗時監造蓬萊宮於諸庭院列種白楊將軍契苾何力鐵勒之渠率也於宮內縱觀孝仁指白楊云此木易長三數年間宮中可得蔭映何力一無所應但誦古詩白楊多悲風蕭蕭愁殺人意謂此是



塚墓間木非宮中所宜種孝仁遽令拔去更樹梧桐

敬父所植

唐韋虛心父維為郎時時柳于庭及虛心居郎省對之  
輒斂容

古今文集

古詩

柳條歌送客

劉商

露井夭桃春未到遲日猶寒柳開早高枝低枝飛鸝黃

千條萬條覆宮牆幾回離別折欲盡一夜東風吹又長  
毵毵拂人行不進依依送君無遠近青春去住隨柳條  
却寄來人以為信

律詩

陽關三疊

王維

渭城朝雨浥輕塵客舍依依柳色新  
勸君更盡一杯酒西出陽關無故人

柳

鄭谷

半煙半雨江橋畔  
映杏映桃山路中  
會得離人無恨意  
千絲萬絮惹春風

柳

李商隱

曾逐東風拂舞筵  
樂遊清苑斷腸天  
如何肯到清秋日  
已帶斜陽又帶煙

柳

薛能

高出軍營遠  
映橋曾逢兵火  
一時燒風流  
性格終難挫  
暖日還生萬萬條

柳

羅隱

灞岸晴來送別頻，  
相偎相倚不勝春。  
自家飛絮猶無定，  
爭把長條絆得人。

楊柳詞

賀知章

碧玉裝成一樹高，  
萬條垂下綠絲條。  
不知細葉誰裁出，  
二月春風似剪刀。

楊柳枝

白居易

陶令門前四五樹，  
亞夫營裏百千條。  
何似東都正二月，

黃金枝映洛陽橋

楊柳枝

韓琮

枝裊纖腰葉鬪眉  
春來無處不成絲  
灞陵原上多離別  
少有長條拂地垂

楊柳枝

楊巨源

江邊楊柳麴塵絲  
立馬憑君折一枝  
惟有春風最相惜  
慙慙更向手中吹

楊柳枝

劉禹錫

城外春風吹酒旗行人揮袂日西時  
長安陌上無窮樹惟有垂楊管別離

又

輕盈嫋娜占年華舞榭粧樓處處遮  
春盡絮飛留不得隨風好去落誰家

柳絮

陳去非

柳送腰肢日幾回更教飛絮舞樓臺  
顛狂忽作高千丈風力微時穩下來

柳

李商隱

江南江北雪初消  
漠漠輕黃惹嫩條  
灞岸已攀行客手  
楚宮先騁舞姬腰  
清明帶雨臨官道  
晚日含風拂野橋  
如線如絲正牽恨  
王孫歸路一何遙

評柳

薛逢

弱植驚風急  
自傷暮來翻  
遣思悠揚  
曾飄綺陌隨高下  
敢拂朱欄競短長  
縈砌乍飛還  
乍舞撲池如雪又如霜  
莫令歧路頻攀折  
漸擬清陰到畫堂

柳絮

劉禹錫

飄揚南陌起東隣  
漠漠濛濛暗度春  
花巷暖隨輕舞蝶  
玉樓晴拂艷妝人  
縈迴謝女題詩筆  
點綴陶公漉酒巾  
何處好風偏似雪  
隋河堤上古江津

次韻賦楊花

張芸叟

隨風墜霧事輕猥  
巧占人間欲夏天  
只恐障空飛似雪  
從教糝徑白於綿  
未央宮暖黏歌袖  
揚子江心惱客船  
老去強看愁底事  
昏花滿眼意茫然



衆木

羣書要語所謂故國者非謂有喬木之謂也

孟子

直木先

伐

淮南子

枯木輪囷為萬乘器

鄒陽傳

百年之木破為犧樽

青黃而文之其斷在溝中比犧樽於溝中之斷則有間

矣

莊子

慎子曰廊廟之材蓋非一木之枝也

莊子

千歲之樹

精化為青羊萬歲之樹精化為青牛

天中記

十年之計樹

之以木

古詩

千雲蔽日之木起於青蔥

魏相傳

拱把

孟子

合抱

晉源

綽傳

詩句繞屋樹扶疎

選

護堤盤古木

千章夏木清

杜並

疏

璃剪木葉

韓

庭內無所有高樹八九株有藤縷絡之春

華夏陰敷

並韓

古今事實

大椿

大椿八千歲為春八千歲為秋

樗櫟不材

吾有大樹人謂之樗其大本擁腫而不中繩墨其小枝

卷曲而不中規矩

莊道遠

匠石之齊至乎曲轅見櫟社樹

其大蔽牛觀者如市匠石不顧弟子曰自吾執斧斤以隨夫子未嘗見材如此其美也先生不肯視何耶曰已矣勿言之矣散木也是不材之木也無所可用

人問世

商丘之木

南郭子綦遊于商之丘見木焉有異結駟千乘隱將庇其類子綦曰此何木也然必異材從而視其細枝則拳曲而不可以為棟俯而視其木根而不可以為棺槨舐

其葉則古爛臭之則使人狂醉子綦曰此果不材之木  
以至其大矣

古今文集

雜著

成都犀浦國寧觀古柿記 陸務觀

予在成都嘗以事至沈犀過國寧觀有古柿四皆千歲  
木也枝擾雲漢聲挾風雨根入地不知幾百尺而陰之  
所庇車且百兩正晝日不穿漏夏五六月暑氣不至凜

如九秋成都固多壽木然莫與四楠比者予蓋愛而不能去者彌月有石刻立廡下曰是仙人遽君手植予歎曰神仙至人手之所觸氣之所呵患疾者起盲瞶者愈榮茂枯朽而金玉瓦石不難况其親所培植哉久而不槁不死固宜欲為作詩文會多事不果嘗以語道人遽昌老真叟以為恨予既去蜀三年而昌老萬里以書屬予曰國寧之楠幾伐以營繕郡人力全之僅乃得免懼卒不免也君為我終昔意予發書且歎且喜夫勿剪憩

崇恭敬桑梓愛其人及其木自古已然姑以蜀事言之  
則唐節度取孔明祠柏一小枝為手板書於圖志今見  
非詆蔣堂守成都有美政止以築銅壺閣伐江濱廟木  
坐謠言罷亦書國史且王建孟知祥父子專有西南窮  
土木之侈沈犀近在國城數十里間而四柵不為當時  
所取彼猶有畏而不敢者况今聖上以恭儉化天下有  
夏禹卑宮室漢文罷露臺之風專閭方面皆重德偉人  
豈其殘滅千歲遺跡侈大棟宇為王孟之所難哉意者

情出於吏胥梓匠欺罔專恣以自為功而已使有以吾  
文告之者讀未終篇禁令下矣然則其可不書

古詩

梭花

劉貢父

斫破夜叉頭取出仙人掌  
鮫人滿腹珠 魴魚新出網

梭櫚

梅聖俞

青青梭櫚樹散葉如車輪  
擁籜交紫髯歲剝豈非仁用  
以覆雕與何憚尅身今植公侯第愛惜知幾春完之

固不長只與薺本均幸當勅園吏披割見日新是能去  
寫束始得物理親

枯楠

杜甫

梗楠枯崢嶸鄉黨皆莫記不知幾百歲慘慘無生意上  
枝摩皇天下根盤厚地巨圍雷霆折萬孔蟲蟻萃凍雨  
落流膠衝風奪佳氣白鵠遂不來天難為愁思猶舍棟  
梁具不復霄漢志良工古昔少識者出涕淚種榆水中  
央成長何容易截承金露盤裊裊不自畏



柟木為風雨所拔歌

杜甫

猗江柟樹草堂前故老相傳二百年  
誅茅卜居總為此五月髣髴聞寒蟬  
東南飄風動地至江翻石走流雲氣  
幹排雷雨猶力爭根斷泉源豈天意  
滄波老樹性所愛浦上重重一青蓋  
野客頻留懼雪霜行人不過聽竿籟  
虎倒龍顛委榛棘淚痕血點垂胸臆  
我有新詩何處吟草堂自此無顏色

律詩

憑何少府覓檜栽

杜甫

草堂塹西無樹林  
非子誰復見幽心  
飽聞檜木三年大  
與置溪邊十畝陰

楓林

杜牧

遠上寒山石徑斜  
白雲深處有人家  
停車坐愛楓林晚  
霜葉紅於二月花

榕樹

楊廷秀

直不為楹圓不輪  
斧斤亦復赦渠薪  
數株連碧真成菌

一脰空肥總是筋

梭櫓

洪舜俞

舊脫敗蓑亂新添華節高肅容春尚靜俠氣夏方豪黃  
孕子魚腹青披孔雀尻豐撞知可製雷動景陽號

賦蘇明允木假山

梅聖俞

空山枯楠大蔽牛霹靂夜落魚鳧洲魚鳧水射幾千秋  
蠹肌爛隨沙蕩流惟存堅骨蛟龍鏤形侔三山中雄酋  
左右兩峰相連翼尊奉君長無慢尤蘇夫子見之驚且

喜買於溪叟憑貂裘因嗟大不為梁棟又歎殘不為薪  
樵雨侵蘚澁得石瘦宜與夫子歸隱丘

次韻

并序

蘇子瞻

吾先君子嘗畜木山三峰且為之記與詩人梅二  
丈聖俞見而賦之今三十年矣而猶子千乘又得  
五峰益竒因次聖俞韻使并刻之其側

木生不願回萬牛願終天年仆沙洲時來幸逢河伯秋  
掀然見恠推不流蓬姿雪嶺巧雕鏤蟄蟲行蟻為豪酋

阿咸大膽忽持去河伯好事不汝尤城中古沼浸坤軸  
一林瘦竹吾菟裘二頃良田不難買三年檜木行可植  
會將白髮對蒼巘魯人不厭東家丘



古今事文類聚後集卷二十三